



天祿尚  
大民圖  
善館藏  
書印章

皇明四夷考下卷

皇明四夷考

卷下

海鹽鄭曉

皇明四夷考

古俚

國朝

大清

皇明四夷考

古俚大國西洋諸番之會去中國十萬里西瀕南距柯枝自柯枝海行可三日至永樂元年王馬那必加刺滿遣馬戍朝貢馬五年遣太監鄭和賜王誥幣陞賞其將領有差王好浮屠敬象牛老不傳子傳外孫否則傳弟無外孫弟傳善行人族類分五種如柯枝王南毘人不食牛將領回回人不食猪大家晨起用牛糞塗地煨牛糞為囊佩之每日水調抹額及股國事皆決于二將領土宜麥多馬俗尚信義行者讓路道不拾遺海濱為市通諸番用金銀錢以葫蘆為樂器紅銅絲為絃歌聲相協鏗鏘可聽刑無鞭笞輕斷手足重罰金誅戮沒產夷其族有西洋布曰搭黎本出隣國坎夷巴匹闊四尺五寸色絲間花悅闊五尺產孔雀白鳩馬無餘鳥諸香膏真金絲寶帶金絲細如髮結花綴八寶珍珠鴉鶻石

淳泥

淳泥木閣婆屬國在西南大海中統十四州洪武



四年王馬漢沙遣亦思麻逸進金表銀箋貢方物  
賜金綺永樂三年遣使封其國主麻那惹加那乃  
爲淳泥國王賜印符誥幣六年王率其妃及子來  
朝遣使迎勞之福建至南京王上金表獻珍物妃  
箋獻中宮東宮 上宴王奉天門是年王卒于會  
同館謚恭順塋石子岡樹碑立祠有司春秋祀封  
其子遐旺嗣賜玉帶金銀綺幣器皿使送歸國遐  
旺請封其國後山賜名長寧鎮國上爲文刻石十  
二年洪熙元年皆來朝貢俗以板爲城以銅鑄甲  
煮海爲鹽釀秫爲酒喪塋有棺盛食無器室宇弘  
敞原田豐利習尚奢侈愛敬華人王服頗效中國  
產片腦諸香象牙吉貝玳瑁鶴頂

滿刺加

滿刺加永樂三年王西利入兒速刺遣使奉金葉  
表朝貢言願內附爲屬郡效職貢七年太監鄭和  
克冊封使賜印誥錦綺封爲滿刺加國王九年嗣  
王拜里迷蘇刺率其妃及子五百四十人來朝上  
御奉天門宴王賜玉帶羽儀鞍馬金銀錢鈔錦綺  
王妃冠服子姪僮從賞各有差十年遣使送還國  
十二年王母來朝貢厚賜之二十二年宣德九年



王復來朝貢賜亦厚正統十年後數遣使來朝貢  
天順二年王無答佛哪沙卒子舟茫速沙請封遣  
使冊立爲王成化末給事中林榮行人黃乾亨奉  
使溺海死廕子入監讀書其國舊名五嶼東南距  
海西北皆山地瘠鹵故未稱國隸暹羅歲輸金五  
千兩既奉我正朔始不隸暹羅王白帛纏首衣青  
花袍躡皮履乘轎俗淳朴尚回回教民舍如暹羅  
婚喪大類爪哇聯榻跌坐剝木爲舟泛海而漁旁  
海人畏龜龍龜龍高四尺四足身負鱗甲露長牙  
遇人即嚙嚙即死山有黑虎視虎差小或變人形  
白書群入市覺者擒殺之

皇明四夷考

下卷

三

榜葛刺

西天有五印度國榜葛蘭者東印度也永樂六年  
王霽牙思丁遣人朝貢九年至太倉命行人往宴  
勞之十二年王賽弗丁遣人奉金葉表獻麒麟國  
最大自蘇門答刺海行過翠藍島至泐地港更小  
舟行五百里至鎖納兒港登陸行三十五里至其  
國地廣人稠財物豐衍甲於諸鄰國國有城郭王  
及諸官皆回回人男祝髮白布纏頭圍領長衣束  
綵帨躡皮履市用銀錢海賦五領山最高大氣候



常熟如夏賦十二刑笞杖徒流官有印章行移軍  
有糧陰陽醫卜百工技藝大類中國有衣黑白花  
衫紫帨佩珊瑚琥珀纓絡繫臂釳子鐺釧歌舞侑  
酒者曰棖宵速魯柰柰蓋優人也能作百戲以鐵  
索繫虎行市中入人家解索坐虎于庭裸而搏虎  
虎怒交撲仆虎數回乃已或手投入虎喉虎亦不  
傷戲已仍繫之家人爭以肉啖虎勞戲者錢曆有  
十二月無閏風俗朴厚人好耕殖一年二熟產鑛  
鐵翠羽璫璃蛇馬桑漆樹絲綿尤多鎗剪最巧利  
布數種有闊四五尺者鶩黑鶩勒闊四尺背面皆  
如鹿皮椰菱爲酒檳榔當茶

### 錫蘭山

錫蘭山在大海中海中有翠藍山最高大自山東  
南乘風可三日至赤卵塢塢人穴居男女皆裸若  
野獸不粒食食芭蕉子波羅蜜魚蝦又西海行可  
十日至佛堂山泊舟處濱海山麓有卅佛寺佛榻  
寶飾極華麗又西北陸行五十里至王居王尚釋  
重象牛殿牛糞灰塗體飲牛乳不食其肉殺牛者  
罪死王宮民居且必調牛糞塗地而禮佛國富饒



地廣人稠亞於瓜哇民上裸下纏悅加壓腰去鬚毫留髮布纏之女椎髻于後下縈白布飲食不令人見產青紅黃鴉忽石水晶海洲有珠池日映光浮起閃閃射日間歲一淘珠諸番賈爭來市珠土宜稻不宜麥市用金錢重麝香綺緞青磁器銅錢樟腦永樂九年王亞烈若柰兒鎖里人絕我使途太監鄭和俘至京十年封耶巴乃那爲王赦亞烈若柰兒還國耶巴乃那故王族人也一名不刺葛麻巴思刺查國人以爲賢故封之遣使送歸詔諭其國正統十年遣使耶把刺謨的里啞來朝貢珠寶石天順三年王葛力生夏刺昔利把交刺惹復遣使朝貢

蘇祿

蘇祿在東南海中人鮮粒食食魚蝦螺蛤短髮纏皂纓煮海爲鹽醃蔗爲酒織竹布爲業氣候常熱永樂十五年其國東王巴巴都葛叭答刺西王巴巴都葛叭蘇哩峒王叭都葛巴巴刺卜各率其妻子頭目來朝貢玳瑁珊瑚諸物賜王冠服王金帶蟒龍金銀錢鈔錦幣器皿王妃王子女姻戚頭目賜物各有差三王者東王爲尊西峒二王副之歸次德州



卒命有司營葬爲文樹碑墓道畱其妃妾及僮從  
十人守墓令畢三年還國遣使封其長子都麻合  
爲蘇祿國東王十九年遣使來貢

### 柯枝

柯枝一名阿枝東連大山西南北皆海自葛蘭山  
海西北行一晝夜可至永樂二年王可亦里遣完  
者答兒朝貢請封其國大山詔封爲鎮國山賜碑  
文是時太監鄭和使至其國國王瑣里人也首纏  
黃白布上不衣下縈絲腕束綵壓腰綴椰木葉苦  
屋國人五種曰南昆與王同類祝髮線懸脰爲貴  
族次回回人次富有財者曰哲地次牙繪曰革全  
又次卑賤者曰木爪木爪濱海而居業漁樵屋簷  
不得過三尺上衣不過膝途遇南昆哲地即伏候  
過乃起王尚浮屠敬象牛建寺範金爲佛每旦鳴  
鐘鼓汲泉灌佛頂數回已乃禮之有曰濁肌者蓋  
優婆夷也娶妻不剃胎髮髮縷縷垂後牛糞灰塗  
體行吹大螺妻隨之乞錢氣候常熱多雨市用金  
銀錢銀錢十五當金錢一產珠象牙蘇木

### 祖法兒

祖法兒亦名左法兒東南皆海西北重山自古俚



西北海行十晝夜可至無城郭俗尚回回教體幹  
修頌語言朴實王白布纏頭衣青花絲帨或金錦  
袍靴履乘轎跨馬前後列象駝馬鼓吹氣候常如  
秋市用金銅錢錢文人形永樂中王亞里遣人來  
朝貢宣德中又來朝貢產西馬駝鶴頂駝鷄福鹿  
片腦沉香乳香香即樹脂諸奇藥以易中國紵  
絲磁器駝鷄如鶴長三四尺脚二指毛如駝行亦  
如之駝單峯或雙峯皆可乘

### 潘山

潘山四面濱海如洲在西海中有石門如城闕土

皇明四夷考

入下卷

七

瘠無城郭依山聚居八村稍大皆以潘名可通舟  
楫餘小潘無慮三千土人曰此弱水三千也人巢  
居穴處不識菽粟啖魚蝦無衣草木葉蔽前後舟  
行遇風失入潘即溺潘山傍有牒幹國皆回回人  
俗淳厚業漁好種椰樹氣候常熱如夏市用銀錢  
產龍涎香海貳椰皮結繩可貫板成舟塗瀝青堅  
如鐵釘鮫魚一名潘漁織絲帨甚精緻亦有織金  
帨永樂中國王亦速福遣使來朝貢

### 南泥里

南泥里隸淳泥自蘇門答刺丹行三晝夜可至東



距黎伐西北距海南連大山山南際海僅千餘家  
皆回回人俗朴實王居類樓高廣嚴整幽潔市用  
銅錢少穀食魚鰕西北大海即西洋中有帽山  
平頂土人稱爲那沒黎番船皆以此山爲指南山  
下淺水有珊瑚樹大者高二三尺分枝婆娑可愛  
依山居入二三十家皆稱王問其爲誰輒曰阿孤  
檣華言王也或曰南泥里即南巫里

### 黎伐

黎伐小國南連大山北際海西距南泥里東南連  
那孤兒居民二千家推一人爲首領隸蘓門答  
刺言語服用與蘓門答刺同山多野羣

皇明四夷考

下卷

八

### 哈密

哈密本古伊吾廬地在燉煌北大磧外西北羗胡  
往來要路也元封忽納失里爲威武王已而改封  
肅王卒第安克帖木兒嗣國初置甘州五衛於張  
掖肅州衛於酒泉涼州衛于武威西寧衛于湟中  
又置山丹永昌鎮番莊浪四衛高臺鎮夷古浪三  
千戶所自陝西蘭州渡河千五百里至肅州肅州  
西七十里爲嘉峪關長陵初設關外七衛曰哈密  
曰安定曰阿端曰赤斤蒙古曰曲先曰罕東曰罕



東左七衛皆在嘉峪關西哈密又在六衛西東去  
肅州西去土魯番各千五百里北至瓦剌數百里  
永樂二年改封安克帖木兒爲忠順王以頭目馬  
哈麻火只等爲指揮等官分其衆居苦峪城三年  
忠順王卒無子兄子脫脫先是俘蠻夷郟朝議哈  
密爲西域入貢孔道宜釋脫脫令嗣王乃賜金印  
誥命玉帶文綺遣使送還令察諸番向背凡諸番  
貢物表文譯上四年賜王及其祖母速哥失里母  
妃從母綺幣有差是年速哥失里逐脫脫勅諸酋  
復立脫脫爲王六年脫脫暨祖母各遣使朝貢九

皇明四夷考

入下卷

九

三

年脫脫卒勅都指揮哈納爲都督僉事守哈密是  
年封力帖木兒爲忠義王賜印誥玉帶守哈密卒  
從父子孛羅帖木兒嗣仍封忠順王賜誥印十二  
年行在驗封員外郎陳誠使西域還言哈密城在  
平川可三四里東北二門王稱速壇人僅數百戶  
顧非一種多蒙古回回人習俗各異產馬駝玉石  
鑛鐵犬尾羊陰牙角城北大山西南東皆平曠地  
多醜鹵宜稔麥豌豆農耕亦用耒壤人獷悍好利  
西域三十八國入貢經哈密者相攔出入索道路  
錢乃已洪熙元年貢碗黃 上詰邊臣哈密何以



有疏黃正統四年貢玉求紵絲與四表裏天順四年貢賜紙金箔薑桂茶磬成化元年令歲一貢貢不過三百人至京不過三十人貢物馬駝玉石鐵器諸獸皮三年以忠順王外孫爲都督賜銅印金幣八年都督赴京嗣官貢馬駝加賞時酋者林弒字羅帖木兒無子王母努温答力理國事九年土魯番速壇阿力欲以哈密掠赤斤諸夷王母不從虜王毋金印去遣番離散王母外孫都督把他木兒子罕慎避居苦峪其奸狡者陰附阿力伺我塞下遣高陽伯李文通政劉文討阿力調罕東赤斤

皇明要考

六下卷

十

番兵數千駐苦峪不敢進阿力遂輕中國文等謬言不見土魯番遂還王毋金印竟爲阿力所留益侵我城郭諸夷十四年阿力死子阿黑麻稱速壇未壯二十年守臣乘間請封罕慎嗣忠順王入哈密罕慎貪殘國人怨恨西域諸夷貢使往來者苦罕慎要索亦怨恨二十三年罕慎言瓦剌有克捨太師革捨太師克捨死其弟阿沙赤爲太師革捨弟阿力阿古多元王與阿沙赤讐殺西走據哈密瓦剌尋退去弘治元年阿黑麻強曰罕慎非脫脫族安得王哈密哈密我當王欲殺罕慎畏我不敢



發好語罕慎曰吾爲若聯姻若爲王益安無外侮  
罕慎喜許阿黑麻阿黑麻至哈密誘罕慎頂經結  
盟遂殺罕慎亦未敢顯言據哈密即遣使入貢言  
罕慎病死國亂乞遣大通事和番立我爲王居哈  
密領西域職貢兵部尚書馬文升言外夷吐虜最  
強屢入貢乞通使我不聽阿黑麻小夷且與哈密  
各有分地不可輒通使亦不得王哈密彼入若貢  
我亦不拒請勅阿黑麻諭令還王母及金印還我  
哈密時王母已死四年遣哈密頭目寫亦虎仙齋  
勅諭阿黑麻以金印城池來歸遣使朝貢厚賞之

陞寫亦虎仙爲都督僉事文升言哈密有回回畏  
兀兒哈刺灰三種共居一城種類不貴不相下北  
山又有小列禿野也克力數種強虜時擾哈密必  
得元遺孽嗣封理國事庶可懾服諸番與復哈密  
不然未得休息乃立安定王族孫陝巴爲忠順王  
安定王者本脫脫種落令頭目奄克字刺阿木郎  
輔陝巴至哈密六年諸番索陝巴犒賜不得阿黑  
麻又恨阿木郎尅賜物掠其牛馬遂入哈密殺阿  
木郎虜陝巴及金印去內閣丘濬謂文升曰哈密  
事重須公一行文升曰方隅有事臣子豈可辭勞



但西域賈胡貫窺利不善騎射古未有西域能爲  
中國大患者徐當靜之濬曰有識言不可不慮文  
升請行諸大臣不可請勅兵部侍郎張海都督縱  
謙行視經略時阿黑麻貢使寫亦滿速兒等在京  
師令海至河西遣夷使二三人與邊通事致勅諭  
阿黑麻歸陝巴金印諸夷使爭欲去海不可乃遣  
哈密夷人以勅往阿黑麻竟畱不報海不得已修  
嘉峪關捕哈密奸回通阿黑麻者二十餘人戍廣  
西請絕西域貢七年春海譙不俟命輒還逮下獄  
降海山西叅政謙奪俸閑住文升言土魯番恃其

皇明西夷考

六下卷

十二

強悍哈密奸回又反復欺負中國不懲創彼益輕  
中國請安置寫亦滿速兒等於闐廣閉嘉峪關絕  
西域貢今諸夷歸怨阿黑麻當是時西域諸夷皆  
言成化間我入貢 皇帝先遣中貴人迓我河南  
至京宴賜甚夥今不撫我我泛海萬里貢獅子謂  
我開海道却不受即從河西貢者宴賞亦薄天朝  
棄絕我相率從阿黑麻且拒命中國能奈我何哈  
密奸回又附阿黑麻阿黑麻遂復入哈密自稱可  
汗大掠罕東諸夷謀言糾夷數萬用雲梯攻肅州

且蹂甘州報至文升曰彼虛聲挾我也土魯番至



哈密十數程中經黑風川哈密至苦峪又數程皆無水草貢使往返皆馱水行使我謹烽火明片候整兵以俟彼至肅州我以逸待勞縱兵出奇一擊必使彼匹馬不返已而阿黑麻西去令頭目牙蘭以二百餘人據哈密文升曰非用陳湯故事此虜終不畏文升召肅州撫夷指揮楊翥至京撫其背曰汝諸夷情知西域道路朝廷今欲擒斬牙蘭汝計安出翥曰此賊黠非襲之不可罕東哈密有捷徑可進兵兵可不十日至文升曰余欲選罕東番

兵三千爲前鋒我兵三千殿後各持數日熟食無

皇明史考

下卷

十三

程襲之何如翥曰善八年令河西巡撫許進調兵食遣副總兵彭清統精兵三千由南山馳至罕東即調罕東諸番兵乘夜倍道襲牙蘭是冬進及總兵劉寧清率兵至肅州久駐關外候罕東兵不至乃出大路乏水草行不能疾牙蘭諷知遁去我兵入哈密斬首六十得陝巴妻女獲牛羊三千哈密脅從者八百餘人皆不殺携歸住四散上師還糧乏土馬亦多物故然西域自是知畏中國文升言兵雖抵哈密然未獲牙蘭首功亦少進寧及太監

陸闇不遵節制徒取空城無益邊事獨軍士遠征



勞苦宜陞賞

上念邊臣出塞有功聞歲祿二十

石寧陞左都督加俸百石進左副都御史清都督  
僉事九年阿黑麻又襲破哈密令撒他兒及奄克  
孛刺往刺木城奄克孛刺密結瓦刺小列秃襲斬  
撒他兒奄克孛刺還守哈密阿黑麻遣人圍哈密  
哈密人舉火小列秃見之來援退走守臣奏乞令  
羈雷貢使往諭阿黑麻納款文升曰阿黑麻未見  
遣使上款書不許是秋進改陝西巡撫十年秋阿  
黑麻令人送陝巴還哈密其兄馬黑上書言西域

諸國不得貢怨阿黑麻今悔過乞許與黑蠻諸國

皇明四表考

卷下

十四

入貢及還寫亦滿速兒等文升言此虜挾詐俟陝

巴僉印至甘州取寫亦滿速兒等於闐廣是冬起

王越為太子太保左都御史總制甘涼等處邊務

經略土魯番哈密十一年越出河西取陝巴至甘

州令哈密二種都督回回寫亦虎仙畏兀兒奄克

孛刺哈刺灰拜迭力迷失佐陝巴奄克孛刺罕慎

第也恨土魯番亦與陝巴不協越以罕慎女也先

主刺妻陝巴結好奄克孛刺未幾越卒是秋賜陝

巴大帽蟒衣玉帶象笏復封為忠順王放寫亦滿

速兒等西歸時哈密三種人久苦土魯番不願還



文升請許半畱肅州往來自便十二年春陝巴至肅州畏番虜不肯出關守臣遣叅將率兵護行又賞赤斤蒙古諸番令逐程防護至哈密是夏寫亦虎仙致賞賜於土魯番遂與土魯番諸夷使入京朝貢十三年阿黑麻及黑婁諸國皆令人朝貢十七年春陝巴嗜酒拵尅國人頭目者力克哈等迎阿黑麻次子真帖木兒守哈密陝巴棄城走沙州真帖木兒罕慎外孫也年十三不肯來哈密哈密人曰陝巴走哈密城空恐爲野也克力達子所據真帖木兒始至刺木城其兄滿速兒乞守臣令人

皇明四夷考

下卷

十五

外

來守哈密真帖木兒自刺木城入哈密守臣令官舍董傑及奄克孛刺往哈密撫夷衆諭迎陝巴還頭目阿孛刺不聽必欲立真帖木兒爲王奄克孛刺與傑等擒殺阿孛刺等六人餘黨畏服守臣令都指揮朱瑄率兵送陝巴入哈密撫送真帖木兒還土魯番時阿黑麻死諸兄讐殺真帖木兒懼不肯還曰奄克孛刺我外祖願依之瑄慮陝巴疑貳携真帖木兒居甘州正德元年陝巴死其子拜牙即嗣封幼弱守臣恐真帖木兒還來侵哈密畱不遣三年滿速兒稱速壇遣人朝貢乞還真帖木兒



兵部尚書劉宇曰是謂質其所親愛不許四年滿  
速兒與拜牙即乞還真帖木兒下守臣議五年真  
帖木兒走出城追而獲之六年守臣請歸真帖木  
兒下兵部會議請 勅宴賜真帖木兒及滿速兒  
拜牙即并其親目七年冬令哈密二都督奄克孛  
刺寫亦虎仙滿刺哈三送真帖木兒西還八年春  
至哈密奄克孛刺不肯去寫亦虎仙滿刺哈三送  
至上魯番八月拜牙即淫暴欲與奄克孛刺叛中  
國往土魯番奄克孛刺不從自哈密奔肅州拜牙  
即棄城走入土魯番滿刺兒令頭目火者他只丁

皇明史考

卷一

十六

與寫亦虎仙滿刺哈三入哈密取金印火者他只  
丁又令哈密都指揮火者馬黑木等至甘州索賞  
哈密諸酋譯書言拜牙即棄國從番乞即差入守  
哈密巡撫趙鑑謬謂滿速兒忠義令火者他只丁  
寫亦虎仙滿刺哈三守城勤勞差撫夷官送土魯  
番諸酋金幣二百明年正月撫夷官纜至哈密滿  
速兒率衆亦至分據刺木等城真帖木兒又言河  
西大饑窘人死亡且半甘州城南黑河可引灌城  
於是滿速兒及火者他只丁牙木蘭虎力奶翁寫  
亦虎仙滿刺哈三日夜聚謀侵甘肅番文索金幣



萬萬還我哈密否即插旗甘州門牙木蘭者本我  
曲先人與寫亦虎仙等專伺我虛實外挾強番內  
要厚賞自京師至甘肅徧置奸細巧爲交結肆行  
反間然亦專與哈密爲讐未敢窺嘉峪關也時總  
制都御史鄧璋請專勅大臣一人經略哈密大將  
督兵戰守特勅四川討賊都御史彭澤總督甘肅  
軍務統延寧固原諸鎮兵防遏土魯番夷勿使內  
侵逐勦西海卜亦刺勅寫亦虎仙等共守哈密勅  
責滿速兒送回拜牙即十年春澤至甘州火者他  
只丁牙木蘭侵赤金斤王子莊澤以段布銀器并

皇明四夷考

八下卷

十七

子

勅令通事與三都督送土魯番奄克孛刺時在甘  
州言我與番世讐不肯去土魯番得賞物以金印  
與寫亦虎仙以哈密付滿刺哈三澤召還掌院事  
巡按馮時雍又言土魯番未聞請罪尚數侵邊下  
兵部尚書王瓊議乞畱澤河西不允是冬寫亦虎  
仙等入京朝貢當是時土魯番四出侵掠關外諸  
衛及苦峪諸城殘破河西藩籬又結瓦剌窺我河  
西十一年李昆代鑑巡撫請勅滿速兒送還拜牙  
即滿速兒不聽令火者他只丁牙木蘭復據哈密  
滿速兒至沙州脇土巴部落入嘉峪關令肅州奸



回斬巴思高彥名等內應攻我肅州遊擊苗寧叅將蔣存禮禦之敗績兵備副使陳九疇發憤擣死諸奸回及通賊都督失拜烟答馮城拒戰退賊又急調厲夷兵劫其老營遣人結瓦剌搗巢穴破其三城土魯番大創又盡發寫亦虎仙數十年傾陷哈密奸罪坐謀叛論死時失拜烟答子米兒馬黑麻入貢在京巧賄權倖突入長安左門稱寃下錦衣衛會兵部三法司奏行河西訊報十三年逮昆九疇至瓊請廷鞫幾殺澤九疇昆降浙江副使澤九疇削籍是秋土魯番貢使至京兵部請繫獄輔

皇朝四史考

卷八

十一

子

臣梁儲不可乃已十四年刑部會訊脫寫亦虎仙死會上幸會同館寫亦虎仙米兒馬黑麻因權倖得見上賜國姓隨上南征嘉靖改元詔逮寫亦虎仙復論斬死獄中瓊謫戍澤起爲兵部尚書嘉靖元年昆爲兵部侍郎九疇僉都御史巡撫甘肅明年失拜煙答子米兒馬黑木寫亦虎仙子米兒馬黑麻皆論死三年滿速兒大舉入寇至甘州九疇忠勇先登力戰旣解甘州圍又夜率衆間道兼行抵肅州內外夾擊敗番兵殺火者他只丁虜退去關中守臣奏河西危急遣兵部尚書金獻民都督



杭雄率師西討獻民至蘭州諸番已爲九疇所敗  
出嘉峪關獻民用九疇議請遷發夷使閉關絕貢  
四年牙木蘭復據哈密侵肅州牙木蘭又入沙州  
五年起故輔臣楊一清提督軍務一清言我既不  
能制其命又無以服其心徒絕彼之貢使不能阻  
彼之犯邊乞還九疇議遷煙瘴夷使解警息兵未  
幾一清召入內閣尚書王憲代一清盡出平涼羈  
番夷使往諭土魯番令悔過服罪歸我哈密六年  
諸議禮臣桂萼方獻夫霍韜張璠先後上言哈密  
不靖本由彭澤澤得召用楊廷和曲庇澤也乞急

皇朝四夷考

入下卷

十九

用王瓊以寧西鄙七年滿速兒令牙木蘭據沙州  
索羈番貢使否且率帖木哥土巴攻肅州牙木蘭  
不肯欲殺牙木蘭牙木蘭懼棄菽麥數萬率老稚  
萬人帳房二千奔肅州乞白城山金塔寺住牧守  
臣議番肅州是春起瓊兵部尚書兼右都御史代  
憲瓊至河西及澤所行事是秋天方撒馬兒罕哈  
密頭目各朝貢滿速兒亦乞通貢瓊爲奏上乞還  
羈使朝貢夷未報土魯番酋虎力納咱兒糾瓦剌  
侵肅州遊擊將軍彭濬兵備副使趙載禦之退去  
時張桂必欲論九疇死并罪廷和刑部尚書胡世



寧力爭九疇忠勇再保全河西得不殺謫戍邊澤  
獻民閑住八年土魯番貢獅子夷人至乞歸哈密  
通貢瓊又奏言土魯番歸我哈密乞令失拜煙答  
子米兒馬黑木守哈密貢使二十四人遣入京放  
歸羈畱各番貢使男婦凡千人安插沙州上巴帖  
木哥部夷五千四百人于白城山哈密都督亂吉  
字刺部夷在肅州東關赤斤都督掌卜達兒子鎖  
南東在肅州北山金塔寺罕東都指揮枝丹在甘  
州南山下兵部議當是時世寧爲兵部尚書欲專  
守河西謝哈密無煩憊中國韜上議必欲復哈密

皇朝四夷考

卷下

二十一

下兵部議世寧言昔太祖建北平行都司去境  
四百里而文皇畀之兀良哈文皇郡縣交趾

而宣宗棄之安南哈密非大寧交趾比况其初

封忠順王爲我外藩者乃元遺孽永樂二年封三

年即故立其兒子未幾即絕而強立非其子孫者

嗣之蓋嘗三立三爲土魯番所虜乃叛我即戎及

勞中國臣竊以爲此與國初所封元孽爲和寧王

順寧王安定王者等耳安定王又在哈密之內近

我甘肅今亦不知其存亡何獨以一忠順王故耗

我金幣疲我士馬窘我財力議禮諸臣不聽竟從



瓊言牙木蘭以世寧言木歸正人非叛虜者唐悉  
但謀事可鑒遂畱不遣是時瓊言滿速兒歸我哈  
密奉約束朝貢然哈密竟爲土魯番所據安插諸  
衛夷落皆爲土魯番所逐失其故土住牧河西塞  
上北虜盤窟西海瓦剌結巢北山河西三面皆有  
寇盜矣明年滿速兒遣虎力奶翁及天方諸夷使  
貢方物又索牙木蘭諜言諸番要約俟虎力奶翁  
歸復侵肅州會虎力奶翁歸道病死瓦剌又攻土  
魯番我亦有備稍得休息而來降人哈六刺言番  
酋欲以哈密城與都督米兒馬黑木毋管理兵部

皇明四表考

天下卷

三十一

七

因請許其通貢着令三年或五年爲期夷使雖多  
十二入京余畱塞上是後哈密竟爲土魯所據河  
西守臣防禦羗胡不暇及西鄙事要之哈密守與  
否固不足爲中國利害也秦中老人曰土魯番哈  
密屢勤經畧我義未直兵則何畏彼求方棘予則  
何恩况染指貢獻不足以示信侵漁宴賜不足以  
示蕪而一時士習又皆重聲譽而略綜核騰口說  
而賤實事不知中國之於夷狄固不可無過撫以  
納侮亦不可深拒以窮兵唯順則撫故賞斯恩唯  
逆則拒故威斯畏况西域賈胡倚玉石易以射利



籍黃靡以厚生苟馭之有備又何患焉

### 赤斤蒙古

赤斤蒙古周西戎戰國月氏秦漢屬匈奴武帝取  
爲酒泉燉煌二郡唐末沒於吐蕃宋入西夏永樂  
二年故鞏韃丞相苦木之子塔力尼率五百人來  
歸設赤斤蒙古千戶所以塔力尼爲千戶賜誥印  
尋陞爲衛塔力尼爲指揮僉事十一年遣頭目鎖  
南吉利刺獻叛虜老的罕陞指揮使厚賜之塔力  
尼卒子且旺失加嗣宣德後朝貢不絕內白山最  
大多草木禽獸產金駝馬肉菴容自土魯番脂哈  
皇明四夷考 入下卷

密種人遂散亂

### 安定阿端

安定鞏韃別部也地廣袤千里無城郭其俗馬乳  
釀酒氈帳爲廬產馬駝玉石洪武七年撒里畏兀  
兒安定王卜煙帖木兒或曰亦板丹遣使貢鎧甲  
刀劍賜金綺令分其酋長爲阿端阿直苦先帖里  
四部賜卜煙帖木兒銀印仍稱安定王八年設安  
定阿端二衛分統四部卜煙帖木兒卒遣使諭祭  
賜嗣王勅誥金綺王遣使貢謝宣德初與曲先叛  
討平之天順三年安定王遣使來貢自後朝貢不



絕成化中為土魯番殘破遂服屬土魯番安定王  
苗裔無考

### 曲先

曲先古西戎部落永樂四年設曲先衛以土酋散  
西思為指揮同知宣德元年叛討平之論功加國  
師禪師秩已而遣人入貢正統二年頭目黑麻亂  
遣指揮火丁貢方物嘉靖中衛人牙木蘭為土魯  
番所劫牙木蘭驍勇士魯番時時令率眾侵哈密  
擾我甘肅已而與土魯番疑貳擁帳來歸土魯番  
請還我哈密易牙木蘭欲殺牙木蘭警動我屬夷  
皇明書考 入下卷 二十三 忠

### 罕東

罕東本西戎部落洪武二十五年侵塞涼國公討  
之土酋哈答遁去三十年入貢立罕東罕東左二  
衛官其酋長鎖南吉刺思為指揮僉事永樂二年  
鎖南吉刺思與其兄答力襲等十六人貢馬陞鎖  
南吉刺思為指揮使以塔力襲為指揮同知頭目  
奴奴指揮僉事賜冠帶鈔幣有差自是歲貢不絕



二罕東皆在沙州城沙州一煌地嘉峪關外諸  
衛二罕東最弱成化後土魯番迭入哈密二罕東  
不能支流散各城正德中陳九疇擊退土魯番沙  
州人稍得生聚復歸耕牧比牙木蘭再入沙州益  
殘破其酋土巴等叛附土魯番嘉靖中王瓊撫住  
白城山肅州月餉粟歲且萬石坐困邊儲

### 撒馬兒罕

撒馬兒罕漢厠賓也在哈烈東北三千里東去嘉  
峪關九千九百里東西相距千里地平山川鐵門  
峽阿木河最大風景偉麗土田膏腴宜五穀頗類

皇朝四夷考

入下卷

西域

二五

甲

中原獨勝諸國城依平原濠深險址有子城王居  
高廣在城北隅王白帽城中達巷縱橫肆市稠密  
西南番賈多聚於此市易用銀錢禁酒俗尚回回  
教有拜天屋青石雕鏤極精巧以羊皮果經文文  
字泥金書人物秀美多藝能尤善作室國東有養  
夷沙鹿海牙寒藍達失干西有渴石迭里迷諸城  
皆隸焉洪武二十年國主帖木兒遣回回蒲刺哈  
非思貢駝馬詔厚賜之二十二年貢馬二十四年  
貢海青賜勅賚予之二十七年帖木兒遣使迭力  
必失表貢馬二百匹表曰恭惟大明大皇帝受



天明命統一四海仁德弘布恩養庶類萬國欣仰  
咸知上天欲平治天下特命皇帝出膺運數爲億  
兆之主光明廣大昭然天鏡無有遠近咸昭臨之  
臣帖木兒僻在萬里之外恭聞聖德寬大超越萬  
古自古所無之福皇帝皆有之所未服之國皆服  
之遠方絕域昏暗之地皆清明之老者無不安樂  
少者無不長遂善者無不蒙恩惡者無不知懼今  
又施恩遠國凡商賈之入中國者使觀覽都邑城  
池富貴雄壯如出昏暗之中忽覩白日何幸如之  
又承赦書恩撫勞問使站相通道路無壅遠國之

皇明四夷考

六下卷

二十五

人咸得其濟欽仰聖心如照世之杯使臣心中豁  
然光明臣國中部落聞茲德音惟知歡舞感戴臣  
無以報恩德惟仰天祝頌聖壽福祿如天地遠大  
永永無極照世杯者其國舊傳有杯光明洞徹照  
之可知世事故云二十八年遣兵科給事中傅安  
郭驥等使西域畱撒馬兒罕永樂五年頭目哈里  
令虎友達送安等還且貢方物厚賜之改安等禮  
科賜衣安等言帖木兒本元駙馬卒孫哈里嗣上  
遣人祭帖木兒賜哈里璽書銀幣已而兀魯伯貢  
馬復遣安報使或曰兀魯伯即哈里洪熙元年安



始還國請勅命吏部言安歷年雖久未經考覈例  
不得授景陵曰安使遠夷畱二十餘年良苦何例  
為與勅正統十二年又貢馬玉石四年又貢成化  
十九年阿黑麻王貢二獅子夷使請大臣出迎禮  
部尚書周洪謨以為不可遣中官迎之獅日食生  
羊二醋酣蜜酪各二瓶官養獅人光祿日給酒飯  
二十三年廣東布政司陳選言撒馬兒罕使臣怕  
六灣貢獅子欲於廣南浮海從滿刺加更市獅子  
入貢不可貴異物開海道利賈胡貽笑安南諸夷  
弘治三年由南海貢獅子禮官倪岳言南海非西

皇明四夷考

入下卷

二十六

域貢道請却之自後貢皆從嘉峪關入嘉靖中其  
國稱王者五十三人皆遣人朝貢產金銀玉銅鐵  
珊瑚琥珀琉璃鬚茲思檀水晶鹽花菜布名馬獨  
峯駝大尾羊狡狴

### 天方

天方古筠冲地舊名天堂又名西城宣德中其王  
遣沙轍來朝貢俗用回回曆風景融和四時皆如  
春田沃稻饒居民樂業男女辮髮馬乳拌飯產馬  
金琥珀玉石珊瑚犀角貢從嘉峪關入

### 迭里迷



迭里迷在撒馬兒罕西南去哈烈二千餘里新舊二城相去十餘里王居新城東距阿木河河廣非舟不可渡城內外居民僅數百家蠶畜蕃息多魚河東地隸撒馬兒罕河西有蘆林多獅子

### 渴石

渴石在撒馬罕西南二百六十里城據大村周十餘里四面水田東南近山中有園林故酋帖木兒駙馬居也規模極宏壯堂四隅白石柱如玉墻壁鏤牖盡飾金碧綴琉璃西行十數里皆委曲山多奇樹又西去二百里大山屹立中有石峽兩壁懸崖宛如斧劈行二三里出峽口有門夷人曰此鐵門關也

### 養夷

養夷在賽藍撒馬兒罕亦力把力蒙古諸部落間數相侵擾以故人無寧居惟戍卒數百人處孤城中城四面皆亂山東址有大溪西流長數百里溪旁頽垣破廬蕭然草莽

### 達夫干

達夫干在賽藍西去撒馬兒罕七百里城據平原甚狹小四面平曠多林木溪流蜿蜒土宜五穀人



稠密質朴饒衣食

卜花兒

卜花兒在撒馬兒罕西七百里城居平川周十餘里民物富庶市里繁華戶口萬計地平衍宜五穀桑麻天氣溫和冬不附火蔬菜不絕產絲綿布帛六畜大類中國

土魯番

土魯番一名土爾番在火州西百里古交河縣安樂城也城方一二里地平四面皆山氣候多暖少雨雪土宜麻麥有瓜果羊馬之利人皆屋居信佛

皇明四夷考

天下卷

二十一

法多僧寺城西二十里有崖兒城城僅二里居民百餘家相傳故交河縣治又云古車師國永樂十二年行在驗封員外郎陳誠使至其國誠言城西北百里有靈山最大夷人言此十萬羅漢涅槃處也近山有高臺臺旁有僧寺寺下皆石泉林木從此入山行二十里至一峽峽南有小土屋屋南登山坡坡有石屋屋中小佛像五前有池池東有山山石青黑遠望紛如毛髮夷人言此十萬羅漢洗頭削髮處也循峽東南行六七里登高崖崖下小山嶽嶽峯巒秀麗羅列成行峯下白石成堆似玉



輕脆不可握堆中有若人骨狀者甚堅如石文縷  
明析顏色光潤夷人言此十萬羅漢靈骨也又東  
下石崖崖上石笋如人手足稍南至山坡坡石瑩  
潔如玉夷人言此辟支佛涅槃處也周行群山約  
二十餘里悉五色砂石光焰灼人四面峻壑窮崖  
天巧奇絕草木不生鳥獸鮮少云甘肅大抵無比  
虜患專鎮防西夷夷種中土魯番最好狡宣德五  
年始遣使來真正統以後亦嘗來貢成化弘治間  
番酋阿力阿黑麻父子擾我西鄙虜我哈密忠順  
王罕慎陝巴拜牙郎是時專伺哈密至正德遂數

皇明四夷考

八下卷

三九

四

犯我甘肅語在哈密傳中嘉靖十一年西域貢稱  
王者七十五人貢使至二百九十人禮官夏言請  
國稱一人王內閣張孚敬言西域稱王者多恐彼  
自封授或部落相稱先年入貢稱王亦有三四十  
人者答勅並稱王今盡裁奪恐夷情觖望下禮兵  
部議言言西域諸國稱王者唯土魯番天方撒馬  
兒罕三國如日落諸國名其多朝貢絕少且與土  
魯番諸國不相統弘治正德間土魯番十三入貢  
天方正德間四入貢稱王者率一人或二人三人  
餘稱頭目親屬嘉靖二年八年稱王者天方至六



七人士魯番至十一二人此兩年間撒馬兒罕至  
二十七人內閣言先年亦有稱王至三四十人者  
併數三國耳乃今土魯番十五王天方二十七王  
撒馬兒罕五十三王併數則百五六十王前此所  
未有况所稱王號原非舊文即有同者地面又異  
弘治時回勅書國稱一王若循撒馬兒罕往年故  
事類答王號人與一勅恐非所以尊中國而嚴外  
夷也自後各執勅率其部落貢不如期使不如  
數任意往來勢難阻絕驛傳勞煩宴賜頻數竭我  
財力以役遠夷計亦左矣上從言言當是時土魯  
番強殘破我嘉峪關外七衛及城郭諸國地大人  
衆非復陳騷封奉使時矣

黑婁

黑婁在嘉峪關西近土魯番世結好黑婁黑婁夷  
入貢從土魯番入其地山水草木禽獸皆黑男女  
亦然宣德七年始遣使朝貢

鹽澤

鹽澤在崖兒城西南去土爾番三千餘里在平川  
中廣不二里居民百家黑的兒火者稱王居鹽澤  
旣死土酋強者統之產石鹽堅白如石可琢爲器



以盛肉食不鹽而鹹

哈烈

哈烈一名黑魯撒馬兒罕西南去嘉峪關萬三千里元駙馬帖木兒之子沙哈魯居其地國人稱爲速魯檀猶華言君王也東有俺都淮八刺黑諸城皆隸焉洪武二十五年遣使詔諭酋長賜金綺永樂七年頭目麼賚等朝貢十二年遣行在吏部員外郎陳誠使其國正統二年指揮哈只等貢馬玉石城方十里居平川川廣百里四面大山王並東北山壘石爲屋屋若高臺無棟梁墻壁牕牖皆金

皇明四夷考 天下卷

三十一

四

碧琉璃門扉雕刻嵌骨角屋傍設綵繡帳房爲燕寢所金床重茵衣冠大類亦力把力民土房或氊帳以雨少故上下相與直呼名雖王亦然相見稍屈躬道撒力馬力一語握手或相抱爲禮致意於人則云撒籃少炊爨飯食就肆無七箸交易用銀錢錢三等無正朔時日月亦無斗斛用權衡爲量稅十二國用資焉男髡首衣尚白乃喪易青黑無棺槨不祀鬼神祭先於墓所人多善走日行可三百里氣候常煖市中流水四時不斷多水磨風磨籠器尤精巧產巴旦杏鎖伏花毯金銀銅珊瑚琥



珀水晶珠翠名馬獅子黑白文獸白鹽堅明如水  
晶琢磨爲器以水潤之和肉食多桑宜蚕爲統緒  
細密過中國農不甚勞然多穫田美而每歲更休  
地力得完也餽贈賜予宴會極豐厚男女瀆亂無  
耻大抵西域城郭諸國哈烈最鄙陋然有學舍聚  
生徒講習諸經義省刑罰薄賦歛寡爭訟好施子  
務農祭諸國又不及也在王城中極弘偉

### 默德那

默德那即回回祖國初國王謨罕慕德生而聖靈  
臣服西域諸國諸國尊爲別詣援爾華言天使也

皇明四夷考

入下卷

三五

國中有佛經三十藏凡三千六百餘卷書兼篆草  
楷西洋諸國皆用之隋開皇中國人撒哈八撒阿  
的幹葛思始傳其教入中國其地接天方有城池  
宮室田園市肆大類江淮間寒暑應候民物繁庶  
種五穀亦有陰陽星曆醫藥音樂諸技藝人俗重  
殺非同類殺不食不食豕肉織文雕鏤器皿最精  
巧宣德中國王遣人隨天方朝貢

### 俺都淮

俺都淮隸哈烈西南去哈烈千三百里東北去撒  
馬兒罕亦如之城在大村中村廣百里城居十一



平曠無險峻地沃人繁庶稱樂土

### 八刺黑

八刺黑一名八黑在俺都淮東北城居平川周十餘里南近山無險阨地平廣食物豐饒西南諸番賈聚焉永樂中哈烈沙哈魯各遣其子守之

### 于闐

于闐大國在葱嶺北二百里東西五千里南北千里漢唐皆入貢中國石晉時王季聖天自稱唐宗遣人入貢封為大寶于闐國王宋末南遷朝貢不絕永樂六年頭目打魯哇亦不刺金遣蒲刺哈撒

皇明四夷考

入下卷

三十三

史

木丁等貢玉璞十二年吏部員外郎陳誠至其國國主微弱鄰國交侵人民僅萬計皆避居山谷間境內惟火州魯陳哈失哈力阿力稍有城邑餘皆荒垣敗屋生理極蕭索永樂以後西戎奉職貢不敢輒相攻始得休息行賈諸番遂富饒桑麻禾黍宛如中土人機巧喜浮屠法好歌舞工紡織相見輒跪得問遣書戴于首乃發之稍知尊卑禮節狀貌亦似華人其山葱嶺為大嶺下有白玉河綠玉河黑玉河產玉胡錦雙峯駝諸香珠珊瑚翡翠琥珀花藥布名馬膾臍膾金星石水銀獅子阿魏



火州

火州在嘉峪關外行可一月至本漢車師前後王地前王治交河城即唐交河縣去長安八千里後王治務塗谷即唐蒲類縣去長安九千里漢元帝時置戍已校尉屯田於前王庭以其地勢高敞名高昌壘後魏初有關伯周者自稱高昌王唐太宗平高昌置西州及都督府後陷於吐蕃其地有回鶻雜居故又名回鶻宋時屢遣使貢元號畏兀兒隸馬哈木八國朝號火州其東七十里有柵陳西百里有土層番火州城近其地卑下山色如火天

皇朝四表考

下卷

二十一

七

氣多熱城方十餘里永樂七年土酋遣人朝貢十二年吏部員外郎陳誠至其國誠言其國風物蕭條市里民居僧堂過半亦皆零落東有荒城故址云古高昌國治漢西域長史戍已校尉並居焉宣德五年火州王哈散土魯番萬戶賽因帖木兒柳陳誠萬戶瓦赤刺俱遣人貢馬及玉璞至今入貢不絕俗類匈奴烏孫事天神信佛法貴食馬好騎射時節潑水爲戲其山川靈山蒲類海交河爲大產馬駝鹽白氍布鎖鐵陰牙角阿剌

別失八里



別失八里在西域永樂三年其王沙迷查干遣人  
言哈密忠順王安克帖木兒爲吐虜鬼力赤毒死  
願率兵討之上喜遣使賜綵幣勅令與嗣忠順王  
脫脫相睦

魯陳

魯陳一名柳城古柳中縣地去哈密千里中經大  
川砂磧無水草馬牛過此輒死大風倏起人馬相  
失道傍多骸骨有鬼魅行人失侶白日迷亡夷人  
謂之旱海出川西行至流沙河河上有小岡云風  
捲浮沙所積道吐火焰山山色如火城方二三里

皇明四夷考

天下卷

三十五

六

四面多田園流水環繞樹林陰翳土宜稭麥麻豆  
有小蒲萄甘甜無核名鑽子蒲萄氣候和煖風俗  
醇朴人二種回回男子削髮戴小罩刺婦女白布  
裹頭畏兀兒男子椎髻婦人蒙皂巾垂髻於額大  
抵皆胡服

沙鹿海牙

沙鹿海牙在撒馬兒罕東五百里城據小岡西北  
臨山河河名水站勢衝急有浮梁其地南近山三  
面皆平川人繁庶依崖谷而居園林廣茂西有大  
沙洲可二百餘里無水即有水人不可飲飲牛馬



亦輒死有臭草根株獨立高尺許枝葉如蓋春生  
秋死臭氣逼人取生汁熬膏爲阿魏亦有細草可  
熬膏味如蜜

### 賽藍

賽藍在達失干東西去撒馬兒罕千里城周三里  
四面平原草木長茂流水環繞五穀蕃殖秋夏間  
草生黑蜘蛛甚小毒甚啣人遍身痛號呼聲動地  
土人禳詛者口誦呪以薄荷枝拂中毒處又以鮮  
羊肝遍擦其體經一晝夜痛方息愈後皮膚如甌  
脫牛馬被傷輒死行人宿必近水避之

皇朝四夷考

下卷

三十一

火

### 哈失哈力

哈失哈力宣德間遣十四人來朝貢或曰即阿力  
馬力

### 亦力把力

亦力把力在沙漠間或曰焉耆或曰龜茲元時名  
別失八里馬哈木封於此洪武二十四年國王黑  
的兒火者遣人貢馬永樂四年王沙迷查千遣人  
貢玉璞十二年陳吏部使其國十六年頭目速哥  
克刺滿刺來朝言歪思弒其從兄王納黑失只罕  
自立爲王徙其國西去更號亦力把力正統二年



王也先不花遣人貢玉璞駝馬景泰三年遣人朝貢天順以來入貢不絕其國無城郭宮室逐水草住牧設帳房氍毹寒暑坐卧於地其王戴小單刺簪鷓翎衣禿袖衫削髮貫耳飲食肉酪或食稜麥爲毛布多雪霜平曠之地夏秋略暖深山大谷六月飛雪俗猶戾服用污穢上下無紀律其山白山葱嶺爲大有熱海然氣候常寒產銅鐵鉛雌黃胡粉馬駝犖牛孔雀氍毹阿魏白氎布

阿丹

阿丹近古俚瀕海可舟行國中富饒有馬步勝兵

皇明四夷考

天下卷

三十一

七八千隣國畏之永樂九年詔中使鄭和賜命互市

白葛達

白葛達海中小國土瘠俗尚佛教宣德七年國王遣和者里一思等來朝貢

阿哇

阿哇永樂中王昌吉刺遣人來朝貢

瓊里

瓊里西海中小國物產甚微有撒哈刺諸異布洪武五年國王卜納的遣撒馬牙茶嘉兒幹的亦刺



丹八兒奉金字表朝貢圖上其土地山川賜大統  
曆金幣永樂元年復遣人朝貢

西洋瑣里

西洋瑣里近瑣里視瑣里差大物產大類瑣里洪  
武三年使來以金葉表文貢方物上喜王敬中國  
涉海道甚遠賜甚厚永樂元年復遣人朝貢上曰  
海外遠夷附載蕃貨勿征二十一年西洋十六國  
遣使千二百人貢方物至京師西洋瑣里貢獨豐  
美

彭亨

皇明異考 下卷

三六

云

彭亨在東南海島中並山山傍多平原禽獸稀少  
草樹繁茂沃土宜穀饒蔬果洪武十一年遣人奉  
金葉表朝貢賜絲幣永樂十二年遣蘇麻固門的  
里來朝貢其俗上下親狎無寇盜男女椎髻好誦  
佛經煮海爲鹽釀椰爲酒產片腦諸香花錫

百花

百花在海中依山爲國國中有奇花嘉樹民俗饒  
富尚釋教洪武十一年國王刺丁刺者望沙亦遣  
八智亞壇奉金葉表朝貢產紅猴龜筒玳瑁孔雀

倒掛鳥胡椒



婆羅

婆羅負山面海人多念佛素食惡殺喜施永樂四年國王遣人勿黎哥來朝貢真珠玳瑁馬瑙車渠賜王及妃文綺

阿魯

阿魯一名啞魯在西南海中土廣人稀物產亦薄永樂五年國王速魯唐忽先遣滿刺哈三附古里諸國來朝貢令內臣至其國賜王文綺

小葛蘭

小葛蘭小國也東連大山西南北皆海永樂中太

皇明四夷考

八下卷

三九

監鄭和至其國王鎖里人遣人入貢俗尚浮屠重象牛飯和酥酪市用金錢婚喪巾服大類錫蘭山自錫蘭山別那里西北海行六晝夜可至

拂菻

拂菻在嘉峪關外萬餘里洪武四年遣其國故民捏古倫賈語論之尋遣人來朝貢其俗土屋無瓦貴臣如王服不尚鬪戰鑄金銀錢產金銀珠西錦千年棗馬獨峯駝巴欖

古里班卒

古里班卒在海中永樂三年國王遣人馬的來朝



貢其俗土瘠穀少登氣候不齊夏多雨雨即寒俗質朴男女被短髮假錦纏頭紅油布繫身物產甚薄

呂宋

呂宋在海中其國甚小顧產黃金以故亦富厚人頗質朴不喜爭訟永樂三年國王遣隔察老來朝貢

合福里

合福里地小土瘠國中多山山外大海海饒魚虫人亦知耕稼永樂二年國王遣回回道奴馬高來

皇明四夷考 下卷

四十

朝貢產蘇烏木胡椒

碟里

碟里國在東南海中大洲上洲有諸港通海人淳少訟尚佛物產甚薄永樂三年國王遣使馬黑木來朝貢

打回

打回海外小國數為鄰國所苦已乃治兵器與隣國戰戰勝稍得自立永樂三年遣麻勿來朝貢

日羅夏洽

日羅夏洽海中小國無他奇產產蘇木胡椒人頗



知種藝無盜賊崇佛教永樂三年國王遣文那打時鎮來朝貢

忽魯毋恩

忽魯毋恩在東南海中或曰在西徼外國小土瘠物產薄永樂三年國王遣已即丁朝貢

忽魯謨斯

忽魯謨斯在西南海中東連大山國中土厚宜耕種人質直狀貌偉碩喜作佛事常歌舞惡殺永樂三年國王遣馬刺足來朝貢產大馬西洋布獅子駝鷄福祿靈羊馬哈獸

皇明四夷考 八下卷

甘巴里

甘巴里在南海中大島上人多織錦粒食亦鮮食永樂十二年國王堯哇刺查遣得名公葛葛來朝貢

麻林

麻林未詳其國所在永樂十三年王遣人獻麒麟上喜厚賜之

古麻刺

古麻刺在東南海中永樂時王哇來頃本率其臣來朝至福州卒賜謚康靖勅葬閩縣有司歲時祭



召納樸兒

召納樸兒在印度之中古所謂佛國也永樂中遣使詔諭國王一不刺金玉遣人來朝貢

加異勒

加異勒西戎小種居人不及千家貧窶乏食常備鄰國永樂中王者麻里柰那遣使別里呆不來貢方物宣德間遣使朝貢

黑葛達

黑葛達國小民貧平川廣野草木暢茂禽獸鮮少俗尚佛畏刑市肆多牛羊交易用鐵錢宣德中國

皇明四夷考

下卷

四十一

人嘗遣使十人來朝貢方物

敏真誠

敏真誠國亦大多高山水流深縛木爲渡日中爲市諸賈皆集見中國磁漆器爭欲得之產異香駝馬永樂中國王遣四十人來朝貢

八答黑商

八答黑商永樂間遣四十人來朝貢方物織皮絨罽香木其國山川明秀人俗朴實奉佛有浮屠數區壯麗如王宮西域皆商販於此大抵皆羽毛織文玉石香木駝羊也布帛銀錢皆可交易



覽邦

覽邦洪武九年遣人來朝貢永樂宣德中嘗附鄰國貢方物其國去西域遠甚無市賈販地多沙磧麻麥之外無他穀山坡坳無峯巒水亦淺濁俗亦好佛勤賽祀有駝馬牛羊市亦用錢

火刺札

火刺札國微人弱物產涼薄四圍皆山山鮮草木水流曲折亦無魚鰈城僅里許皆土屋板屋王居亦陋俗尚佛重僧喜中國磁器針線永樂十四年嘗遣人朝貢

皇明異考

下卷

四三

討來思

討來思在海中周徑不百里城近山山下有水赤色望之如火然俗尚佛婦人主家事市中多駝羊馬牛亦有布縷毛褐交易用錢土宜麥稌無稻穀宣德六年嘗遣人朝貢

吃力麻兒

吃力麻兒永樂中遣使十一人來朝貢方物惟獸皮鳥羽罽褐之類其俗不事耕農喜射獵山卑水淺西南傍海東北林莽深密多猛獸毒虫得中國雄黃麝香磁器甚喜有達巷無市肆交易無期用



錢鐵

失刺思

失刺思永樂間遣人來朝貢時遣內外官以綺幣磁噐市馬於迤西撒馬兒罕失刺思諸國獻陵即位詔諸使至十日內就所在還京無得托故稽留宣德中遣使八人來朝貢

納失者罕

納失者罕東去失刺思數日程皆舟行海中其國山林川澤有林木魚虫城東平原饒水草可牧馬馬有數種最小者高不過三尺俗敬事僧僧所至

皇明四夷考

下卷

四四

今

必飲食之顧尚氣健鬪鬪不勝者眾共嗤之永樂中遣使十人來朝貢

亦思把罕

亦思把罕於西南海中爲大國廣袤近千里四面皆海西北多山東南皆平沙國有城堅壯王居亦侈麗物產豐厚風俗朴厚尚佛畏刑喜施惡奪亦有中國人寓寄者時時出賈撒馬兒罕市多馬駝少布帛有珠珀而無稻黍日食惟麥稜麥粒麤壯甘美永樂中遣使四十四人來朝貢

淡巴



淡巴在西南海中洪武十年國王遣人來貢賜之金幣其國風景秀贍土地廣衍泉甘而水清草木暢茂畜產甚夥城以石築屋以瓦覆王乘輿官跨馬頗有威儀國人勤生種藝織縷抱布男女咸務常業市有交易野無寇盜稱樂土矣

### 甘把里

甘把里永樂間遣六人來朝貢自言其國小介其西南海中與諸鄰國不通交易物產又薄山無長林田無宿麥以故國用常乏人民艱窘然奉佛善不求積聚無乞丐者

### 白松虎兒

白松虎兒舊名速麻里兒國中無大山山甲小者亦鮮林木無猛獸毒虫之害先時嘗有白虎出松林中遇獸不食遇人不傷旬月後竟不見國人稱爲神虎父老又曰此西方白虎降精以是更其國爲白松虎兒永樂中遣使十六人來貢

### 答兒密

答兒密永樂間遣使十八人來朝貢方物賜大統曆文綺藥茶國在海中不百里人不滿千家有墻壘而無城郭屋以板覆田以牛耕王居官舍不甚



差別產馬駝羊牛毛褐布縷交易兼用銀錢刑專用箠朴服屬撒馬兒罕

### 阿速

阿速在西海中爲大國多撒馬兒罕天方諸國人有城倚山面川南流入海海有魚鹽之市野有耕牧之利敬佛畏鬼好布施惡爭鬪物產饒俗涼暄適節人無飢寒夜無寇盜永樂中遣百十二人來朝貢

### 沙哈魯

沙哈魯永樂間遣七十七人來朝貢國在阿速西

皇明四夷考

入下卷

四六

三

南海島中人民淳直耻鬪好佛交易海中諸國西域賈胡來市海中奇物不惜高價亦有價廉而得奇貨去者沙哈魯人不識也王及酋長居城中有瓦屋庶人旅處城外田野中村落相聚山川環抱畜產豐利

### 西蕃

西蕃即土蕃本羗屬凡百餘種散處河湟洮岷間元世祖始爲郡縣以吐蕃僧八思巴爲大寶法王帝師領之嗣世弟子號司空司徒國公佩金玉印明興洪武六年令諸酋舉故官授職以攝帝師喃



加巴藏卜爲熾盛佛寶國師元國公南哥思丹八亦監藏等爲都指揮同知宣慰使元帥招討等官自是蕃僧有封灌頂國師及贊善王闡化王正覺大乘法王如來大寶法王者俱賜印誥令比歲或間歲朝貢今其地爲都指揮使司二曰烏思藏曰朶甘指揮使司一曰隴答宣慰使司三曰朶甘曰董卜韓胡曰長河西魚通寧遠招討使司六曰朶甘思曰朶甘朶答曰朶甘丹曰朶甘滄溱曰朶甘川曰磨兒勘萬戶府四曰沙兒可曰乃竹曰羅思端曰別思麻干戶所十七闡化闡教輔教三王貢

皇明四夷考

天下卷

四七

使自四川入贊化王自陝西入每貢百人多不過五十人大乘大寶二法王貢無每貢僧徒十人凡諸王嗣封賜誥袞裳僧帽數珠鈴杵以大慈恩寺刺麻僧二人充正副使四川自黎州或天全陝西自洮州出境宣德元年封大寶大乘闡教闡化贊善五王九年闡化王貢使札藏等還以賜物易茶至臨洮沒入茶并畱札藏等聞上命釋之還其茶成化五年封闡教輔教二王十六年封闡化王皆厚賞長河西魚通寧遠歲一貢貢止五六十人多不過百人自雅州入正統初來貢賞甚厚五年



刺麻僧貢馬十年番僧亦貢馬景泰四年入貢賞  
稍減天順元年貢賞如故三年尊勝寺清修翊善  
大國師獲印遣人貢舍利成化初番僧入貢十二  
年貢使九百人賞少減弘治二年貢使千三百人  
減賞朶甘思武十八年令歲一貢自雅州入天  
順七年宣慰使來貢厚賞董卜韓胡亦一貢如朶  
甘思四川威茂松番金川雜谷達思蠻諸番僧皆  
三歲一貢貢百人多不過百五十人或歲一貢貢  
三十人多不過五十人洮岷番寺歲一貢貢一寺  
四五人番簇二年一貢大簇四五人小簇一二人

皇朝通志考

卷八

四

七

至京餘畱塞上洪武四年置洮州衛軍民指揮使  
司永樂九年置洮州茶馬司火把藏思曩曰諸簇  
歲納馬二千五十四匹洪武初置河州衛改河州衛  
軍民指揮使司七年置河州茶馬司必里衛二州  
七站西番二十九簇歲納馬七千七百五匹洪武  
十一年置岷州衛軍民指揮使司又置西寧衛西  
寧茶馬司歲納馬三千五百匹市法上馬茶百二  
十斤中馬七十斤下馬五十斤五王諸僧番簇在  
四川西寧洮岷河在峽西西寧在黃河北洮岷河  
在黃河南陝西諸番畏宋將軍四川諸番敬信丁



大夫丁大夫玉國初爲御史大大出鎮四川最久  
威惠並行夷民安輯宋將軍晟洪武永樂中久鎮  
西番積功封西寧侯丁宋皆克平羗將軍成化十  
九年西番滿松反侵內地巡撫都御史馬文升討  
之斬首八十三級正德初北虜徙居西海蠶食諸  
番勢漸吞併識者慮其結勾深入如前代吐蕃吐  
谷渾事當是時虜在西海言官言前代有屯兵青  
海以絕羗虜連和內侵者然徵輸調發民力大困  
正德十年調朔方勁兵逐勦虜避走松潘旋歸故  
巢費以萬計竟無成功嘉靖元年西番反鎮守都

皇明四夷考

八下卷

四十九

督鄭卿討之不能克班師自是歲入境殺虜人畜  
八年洮岷番賊數至鞏昌殺吏士掠人畜焚廬舍  
隴右騷動尚書王瓊請賊入聽官軍襲至賊巢勦  
殺番人畏之已而兵至塞防秋套虜番賊遂乘虛  
深入臨洮鞏昌殺掠大慘尚書李承勛言西番土  
地被西海虜酋亦卜刺侵占日益內徙將來番胡  
交通益肆猖獗何以善後昔漢趙充國不戰而服  
羗段熲殺羗百萬爲費以億計內地虛耗是知用  
勇將者雖可取快目前任老成者必能獲萬全之  
策乞廣宣帝之明專克國之任制馭西番事宜悉



本瓊從長區處 上從之瓊曰欲撫罕必勦先零  
遣遊擊將軍彭斌鎮守都督劉文統兵自固原進  
至洮岷分據要害且撫且勦撫定六十五簇恃險  
拒戰者十六簇斬首二百七十西番風俗大抵皆  
質直朴魯上下一心君臣為友吏治無文音樂尚  
琴瑟食酪衣氊居毳帳務耕牧好狠鬪貴壯賤弱  
懷恩重利尊釋信詛其山川崑崙山可跋海黃河  
折支湟水為大產金銀銅錫犖牛名馬天鼠皮獨  
峰駝青稞麥登豆獐羊貢物多畫佛銅佛銅塔舍  
利足力麻鐵力麻氍毹珊瑚犀角左髻毛纓明盔  
甲刀劍遮甲麻衣馬青鹽外史氏曰西戎亦能為  
中國患從申侯逼遷西周附隗囂族拒東漢唐連  
吐番直入長安宋失熙河併於西夏為禍不小我  
以官賞貢市羈縻之西鄙稍寧正德以後邊防大  
弛戎心遂啓瓊議欲於洮岷河蘭間繕城堡遠斥  
埃廣儲蓄謹備海賊勿使得連西番即有侵侮發  
請精兵駐臨洮鞏昌要害之地拒之斯良策也

鞞鞞

鞞鞞吐胡也即夏獯鬻周玁狁秦漢匈奴唐突厥  
宋契丹漢時匈奴最強匈奴弱而烏桓遂盛漢末



鮮卑滅烏桓鮮卑旣衰蠕蠕強大與魏爲敵蠕蠕滅而突厥起盡有西北地唐李靖滅突厥五代及宋契丹爲盛女真滅契丹號金侵中國遂稱皇帝其別小部曰蒙古曰太赤烏曰塔塔兒曰克列各有分地蒙古并諸部滅女真及宋國號元入主中國 明興逐元順帝遁歸朔漠傳子愛猷識里達臘愛猷識里達臘死子脫古思帖木兒立爲可汗我兵出塞獲其子地保奴脫古思帖木兒爲也速迭兒所弑諸大臣立坤帖木兒爲可汗而猛哥帖木兒爲瓦剌王建文三年坤帖木兒死鬼力赤立

皇明四考 卷六

五十一

爲可汗阿魯帖木兒乃兒不花阿魯帖木兒佐之馬哈木者居瓦剌時時與阿魯帖木兒相讐殺自順帝至鬼力赤凡七世其二世不可考鬼力赤衰諸酋立本雅失里爲可汗殺我使臣給事中郭驥我遂封瓦剌馬哈木爲順寧王太平賢義王把禿孛羅安樂王令伺本雅失里我兵出塞本雅失里敗走阿魯帖木兒去阿魯帖木兒又叛阿魯帖木兒自稱可汗馬哈木屢敗阿魯帖木兒而瓦剌強盛瓦剌三王馬哈木獨強洪熙元年馬哈木欲自立爲可汗恐衆



不附仍立元孽脫脫不花為可汗居沙漠北馬哈木居瓦刺宣德九年阿魯台死正統元年馬哈木之子脫懼在沙漠西北與其部酋朵兒只伯相讐殺脫懼死其子也先為太師驍勇凌脫脫不花景泰中也先弑脫脫不花自稱田盛大可汗已而為其平章哈刺逐死天順初字來殺哈刺立小王子小王子又為字來癘王子所弑字來衰而其大酋毛里孩阿羅出字羅出猛可少師與字來癘王子讐殺而立脫思為王脫思者故小王子從兄也成化中阿羅出結仇加思蘭字羅出結毛里孩出入

皇明要考

卷下本

五十二

河套仇加思蘭強殺阿羅出併其衆而結滿都魯王入河套滿都魯稱可汗而仇加思蘭為太師與毛里孩也烈忽字羅忽出入塞下仇加思蘭欲殺滿都魯而立幹赤來為可汗不克仇加思蘭為滿都魯所殺滿都魯衰而把禿猛可王太師亦思馬因知院羅干強盛弘治初把禿猛可死弟伯顏猛可立為王當是時瓦剌與伯顏猛可皆遣人入貢而火篩數入寇火篩者小王子部落也與小王子相讐言殺小王子益衰正德中瓦剌西徙與土魯番相讐言殺小王子三子長阿爾倫台吉次阿着甫官




頃太師亦不刺弒阿爾倫台吉走河西阿爾倫台吉二子長卜赤次也明皆幼阿着稱小王子阿着死衆立卜赤稱亦克罕卜赤死而不及兒台吉稱小王子或曰不及兒台吉即也明或曰卜赤子也阿着二子曰吉囊曰俺答亦不刺部從吉囊火篩部從俺答于是小王子種落又盛嘉靖中吉囊俺答最强犯我陝西河東雲中上谷而亦不刺及瓦刺時時出入寧夏甘肅塞下吉囊死其子板不孩與不及兒台吉出入河套庚戌入古北口犯京師自後秦晉燕代漁陽遼東西無寧歲歲請費帑金數百萬計征調勞煩而權門大吏寵賄益章本兵邊鎮文武大臣多受誅殛戰守無策專事蒙蔽矣其俗無城郭宮室徙帳房逐水草畜牧射獵有徵會刻木封箭為信挾其長技上下山谷往來聚散忽如風雨其喜盜好殺輕生嗜利篡弒蒸淫三綱瀆亂自古然矣產馬橐駝野馬羴羊角端驪貂鼠青鼠土撥鼠狗沙鷄酥酪四夷惟韜韞種最多最狡凶悍為中國患最甚別為北虜考

皇明四夷考

下卷

五十三

皇明四夷下卷終



子復準校正

